

تغریب الحیات



«قاضی کوینده مجیدیه درگاه شریفی شیخی باند رمله لی زاده»
«السید احمد منیب»



معارف نظارت جلیله سنک فی ۲۷ محرم سنه ۱۲۸۳
و فی ۱۳ مایس سنه ۱۲۸۶ تاریخلی و ۸۳ نومرولی
رخصتنامه سیله طبع اولنشد.

در سعادت

(جمال افندی) مطبعه سی - باب عالی قارشوسنده
نومرو (۵۷)

۱۳۱۸

تغریب الحیات



«قاضی کوینده مجیدیه درگاه شریفی شیخی باندرومہ لی زاده»
«السید احمد منیب»



معارف نظارت جلیله سنک فی ۲۷ محرم سنہ ۴۱۸
و فی ۱۳ مایس سنہ ۳۱۶ تاریخلی و ۸۳ نومرولی
رخصتنامه سیله طبع اولمشدر.

در سعادت

(جمال افندی) مطبعه سی - باب عالی قارشوسنده
نومرو (۵۷)

۱۳۱۸

مقدمه

جناب فاطر السموات والارض آسمان سلطنت و خلافتك
خورشيد درخشانی اولان وکیل پیمدیل پیغمبر ذیشان
«درة التاج دودمان عثمانی» غازی پیدانی شوکتلو قدرتلو
«عبدالحمید» خان ثانی افندمن حضر تلرینی الی الابد اورنك
معالی خلافت عظم الرنده شرفیکین بیورسون آمین .

عموم تبعه ملوكانه لری حقنده برشفقت پدرانه ایله مالی
اولدینی نیجه نیجه آثار جلیله ایله تظاهر ایلدیکی کبی
بودفعه نور دیده افتخار عثمانیان شهزاده جوانخت عالیشان
دولتو نجابتلو «عبد الرحیم» افندی حضر تلرینك امر
باخیر ختانلری اشوبویك اوچیوز اونیدی سنه هجریه سی
شهر محرم نك یکرمی التنجی و اوچیوز اون بش سنه
مالیه سی ماه مایسك یکرمی دردنجی بازار ابرتسی کونی
«وقت مختار» عد اولنان ساعت اوچی یکرمی کچه اجرایی
اراده سنیة حضرت ظل اللهیلری منطوق منیفندن اولمغله

اشبو سور پرسرور همایونده دخی نیجه بیک فقیر و بینوا
اطفال اهلینک امر مسنون ختانلری تعیین و تخصیص
بیوریلان مواقع مناسبه معلومه اجرایی و اولیای اطفاله
دخی طاقم طاقم مائده لر کشیده و اعطا و ختانلری اجرا
بیوریلان اطفالک البسه و عطایای سنیه ایله تسریر و احیاسی
کی ابدالی باعث شکران عمومی اولان عنایات و احسانات
لا تخصی کلفه قید و بیاندن آزاده و معرادر .

ایشته بصورت فوق العاده ترتیب و اجرا بیوریلان
سور همایون مینت مقرون ایچون تخصیص بیوریلان محال
مناسبه دن «حیدر پاشا» خسته خانه سنده مخدوم عاجزی
یوسف نظام الدین بنده لرینک دخی یوم مذکورده ختانی
اجرا اولتمغله اولیاء اطفال ایله برابر نائل اولدیغم الطاف
مالا نهایت ولی نعمت اعظمیدن طولای مواظبی بولندیغم
دعای بالخیر جناب پادشاهی دائماً یاد و تکرار ایدیله رک
تشکراً ختانک ماهیت و کیفیت و احکامی بیاننده اعظم
اسلامیه نك بعض اقوال و اثار موثوقه سی مؤدی نفع عام
وفوائد بخش انام اولق مقصد خیر مرصديه مسائل
ختانک احیاسنی شامل سنت سنیه نبویه نك صور حق

اداسنه دائر لسان عزب البیان ترکی ایله کشیده سلاک تقریر
و «تعریف الحتان» نامیله تشهیر و مطالعه سندر غبت بیوره جق
ذوات کرامک اثنای جمع و تحریرده و قوعبولان قصورینی
پردۀ عفو ایله تستیر بیورملرینی تمی ایتمکله نظرگاه اولی
الابصاره وضع و نهاده قلمشدر .

قاضی کوینده مجیدیه درگاه شریفی شیخی

باندرمه لی زاده

السید احمد منیب

«تعريف الختان»

بسم الله الرحمن الرحيم

الحمد لله الذي ادبنا باداب الشريعة المطهرة، والصلوة والسلام على من زينه الله تعالى بمكارم الاخلاق الحميدة، وعلى آله واصحابه الذين تخلقوا باخلاقه الزكية «اما بعد»
ختان سنت قديمة انبيا وعادت قومية اصفيا دركه انبياء عظام حضراتي اني اختيار ايلشدر. وشريعتمبرى دخی آنك اوزرينه متفقدر. چونكه نظافته راجع وصحته متعلق برامر شرعيدر، فوائد و منافعى كتب اسلاميه ده مفصلاً بيان ايدلمشدر، وحديث شريفده «بني الدين على النّظافة»
بيورلمشدر. يعنى دين اسلام طهارت ونظافت اوزرينه بنا قامشدر. نظافت وطهارت اولقندر مهمدركه غسلك وابدستك فرض اولمى بوكا دليلدر. واول سنت اوزره انبياء كرام ورسل عظام حضراتي مفطور ومن غير

ترك اجرا سيله مشهور اولمشلردر . وانادن مختوناً تولد
ايدن انبياء عظام «صلواة الله على نبينا وعليهم اجمعين» حضراتى
حقنده اختلاف اولنشدر . انشاء الله تعالى محلنده بيان اولنه جقدر .

«ختن» خانك قتمى وتانك سكونيله عضو معهودك
فضله سى اولان دري قطع معناسنه مصدردر . و«ختان»
سنت موضعنه اطلاق اولنور اسم اولدينى «اذ التى
الختانان فقد وجب الغسل» حديث شريفندن
اكلاشلسدر .

لسان عذب البيان عربنده اول درييه قلفه تعبير
اولنور . بوقلفه اكر تماماً كسيلوبده نصفندن زياده سى
كسيلور ايسه امر مسنون اجرا اولنش اولور . اول
جزئياتى تكرار كسيلك اقتضا اتمز و اكر نصفندن نقصان
كسيلور ايسه اختنان اولمامش اولور ينه اختنانه محتاجدر
اكر نصفى منقطع اولوب ونصف آخرى باقى قالور ايسه
ينه كافيدر بردخى قطع لازم كلز . اكثر علما يدي وجهله
وجوبنه قائل اوله رق امام «شافعى» حضرت تليينه تابع

اولمش در، وجه اول جناب خدا قرآن کریمه « ثُمَّ

أَوْحَيْنَا إِلَيْكَ أَنْ اتَّبِعْ مِلَّةَ إِبْرَاهِيمَ حَنِيفًا »

بیورمشدر معنای شریفی حبیب اکرم بز عظیم الشان

توحیدده و امتنی توحیدده رفیق ایلده دعوت و هرکسه ایلده

فهمی حسبجه مجادله حسنه و دلائلی مزه بعد اخری

ایراد خصوصاً مله ابراهیمه اتباع ایلده دیو وحی ایلده

دیکدر . چونکه اول باول اختان ایلده مأمور اولان

حضرت « ابراهیم » علیه السلام در . علی قول حنیفاً مختناً

ایلده تفسیر اولمشدر . بو تفسیره کوره مله ابراهیم علیه

السلامه اتباعله امر الهی ختانه وجوبی افاده ایدر . وجه

ثانی « قتاده » رضی الله عنه روایتی اوزره « كَانَ يَأْمُرُ

مَنْ أَسْلَمَ أَنْ يَخْتِنَ وَإِنْ كَانَ ابْنُ ثَمَانٍ سَنَةً »

بیورمشدرکه معنای لطیفی حبیب اعظم و نبی افخم افندضر

شرف اسلام ایلده مشرف اولان کیسنه اختان ایلده امر

ایدر لر ایدی . هر نقدر اول مهتدینک سنی سکسان یاشنه

بالغ اولمش اولسه دخی دیکدر . و شرف اسلام ایلده مشرف

اولدقده اول کیمسه یه « اَلْقِ عَنْكَ شَعْرَ الْكَفْرِ

وَاحْتِنِ » دیو امر بیوردقلری مرویدر . بوصورته امر

شریقلری سنتک واجب اولسنی اقتضا ایدر .

وجه ثالث ستر عورت فرض وکشی حرام ایکن برای

اختتان کشفدن حرمتک سقوطی اختتانک وجوبی اقتضا

ایدر .

وجه رابع هرشیدن سالم اولان عضوی کیمک حرام

اگر ختان واجب اولمامش اولسه ایدی قطع اولنماز

ایدی .

وجه خامس اختتان اولمدیغی صورتده قلفهده بول

باقی قالمغله تنجس ایدر . بوصورته نماز فاسد اولور .

وجه سادس جنابتدن طهارتدن غسل جمیع بدنی

استیعاب اتمک واجبدر . اگر ختان اولماز ایسه غسلدر

باقی قالور .

وجه سابع ختان شعائر اسلامیه دندر یعنی اهل

اسلامک نشانلرنندندرکه مسلم ایله غیر مسلم انکله

تفریق اولنور . شویله که مختون اولیان اموات ایچنده میت

مختون بوانسه غسل اولنوب و نمازی قلوب مقابر مسلمینه
دفن اولنور .

اشبو ذکر اولنان یدی وجهله ختانک وجوبنی
اثبات ایتشلردر . شیخ شمس الائمة الحلوانی حضرتلرینک
ختانده اوچ قوی واردر . بعض علما سنتدر و بعض فقها
واجبدر و بعض مشایخ فریضه در دیدی لکن اقوال ثلثة
مذکوره دن صحیح اولان سنتدر دیدیکی فتاوی ظهیریه ده
مستوردر .

نتکیم امام «اعظم نعمان ابن ثابت» رحمه الله حضرتلری
بوابده وارد اولان حدیث شریفک ظاهرینی اخذایدوب
سنت اولدیغنه قائل اولمشلردر .

بوصورنده وجهاً من الوجوه ترك اولنماز مکر مختوناً
توارد ایتمش و قطع اولنه جق فضله معهوده بولنماش و بو
جهتله ختانی مشکل اولمش اوله . زیرا ختانک شرطی
ایکیدر بری اسلام و دیکری محل مزبورک بولنمسیدر اکر
ذکر اولنان محل بولنماز ایسه ترك اولنور . نتکم وضوءده
الاری دیرسکلریله برابر اوله رق ییقامق فرض ایکن قوی
اولیان کیسه دن آبدست آلور ایکن قوی غسل ایتک

ساقط اولدینی کبی . وختانک ایکی حکمی وارد بری
 دنیوی و دیکری اخرویدر . دنیوی اولان حکمی طهارت
 و نظافتدر . نتکم بیان اولندی بوسبیدن عربستانده ختانه
 طهارت دینور . و اخروی اولان حکمی عندالله تعالی نیل
 ثواب و قریندر . ختان اولمش اولدینی حالدیه برصی
 طوغار ایسه انکله تبرک اولنور . زیرا انبیاء ذیشان افند .
 یلرمز مختونین اولدقلری حالدیه طلوع ایتدقلری
 جهتندن . فقط خلیل الله حضرت ابراهیم علیه السلام
 سکسان یاشنده ایکن کندی ختان ایلدیکی مرویدر .
 شویله که حضرت ابراهیم علیه السلام کندو زمانندن صکره
 قیامته وارنجه سنت باقی اولسون دیو کندوسنی سنت
 ایتشددر .

ختان صباح نمازینک سنتی کبی فرضه یقین سنتدر
 دیمشدر .

ینابیع نام کتاب صحت نصایده ولد صفیدینی سنت
 ایتدیروب یاره سی ایو اولنجیه قدر تداوی ایتک بابانک
 اوزرنده اداسی لازم اولان حقوقدندر نتکم «حقوق ولد»
 نام رساله عاجزانه مزده تفصیلاً بیان اوانمشدر .
 علمای اعلام و مشایخ کرام و فقهای عظام ختانک وقتنده

اختلاف ایتمشلر در. بعضیلری یدی یاشنده و بعضیلری بلوغنه
 رشدی منضم اولدوقده و بعضیلر اون ایکی یاشنده. و بعضیلر
 طقوز یاشنده و بعضیلر اون یاشنده. بعضیلر تحمل ایلدیکی
 وقتدن بالغ اولنجیه دکن نهایت الامر بالغ اولدوقده. و بعضیلر
 یدی یاشنده دخی کوچك اولور ایسه نه کوزل واکریدی
 یاشنی کچمش ایسه ده بأس یوقدر دیمشلر در. فقیه ابواللیث
 عندیده مستحب اولان یدی یاش ایله اون یاش اره سنده
 ختان اولمقدردیدی.

شاهد اسرار ازل بنی کامل رسول اکمل علیه صلوات الله
 الاجل افندمن حضرتلری قره عیون اهل سنت جناب
 حسنین احسنین رضی الله تعالی عنهما حضراتی ولادت
 باسمه تالرینک یدنجی کوننده اختتان بیورقلرینه اقتداء
 شارح البخاری ابو محمد محمود بن احمد العینی حضرتلری ولادتک
 یدنجی کوننده ختان اولمق اظهروالتماده اسرع وایسر در
 دیدی.

طبریده بیان اولمشدر که حضرت ابراهیم علیه السلام
 حضرت اسماعیل علیه السلامی اون اوچ یاشنده و حضرت
 اسحق علیه السلامی یدی کونلک ایکن اختتان بیورقلرینی
 تصریح ایتدیکی کبی علمای بنامدن جماعت کثیره دخی روایت ایتمشدر.

ممتاز اولان بدايت و قتی یدی و نهایت و قتی اون ایکی

راده لریدر .

شویله که بر ولدك یدی باشنه قدر تربیه و تأدیب و تهذیب
اخلاق ایده جکی زمان اولوب نمازه دخی باشلايه جنی
هنکامیدر . و اون ایکی یا شی ایسه مراهق و بلوغ زمانی
اولدیغندن فرض و واجب و سنت و ندب کبی هر کونا
تکالیف شرعیه ایله مکلفین زمانی اولمغله آندن صکره
بالغ اولنلره بلا محرم کشف عورت حرامدر . حد بلوغه
واصل اولوبده ختانی اجرا اولنمیان ممکن ایسه ختانی
کندوسی اجرا ایدر . بوکا قادر دکل ایسه ختان ایتمکه
مقتدر براهلنه مراجعت ایدر .

عذر دناشی « اقلف » یعنی سنتسز اولان آدمک شهادتی

قبول اولنور .

بلا عذر شرعی ترک ایتمش ایسه شهادتی قبول اولنمیر برد

اولنور . و عذر دناشی ترک ایدن اقلفلرک امامتی صحیحدر .
عذر شرعی ایسه و قتيله سنت اولیوب بالغ اولدقدن صکره
ختانک اجرا سندن نفسنه خوف عظیم کلک و بالاده بیان
اولندیغنی اوزوه کندی کندوسی سنت ایده مامک و ختانه
قادر براهلنی بوله مامق صورتلریدر .

نمود بالله ختان ندر کبی استخفافله ترك ایتک عذر
شرعی اولیوب بلکه کفر در.

بومقوله لرك سابقاً بیان اولندیغی وجهله شهادتی
وامامتتری صحیح دکلدر.

ابن عباس رضی الله تعالی عنهما حضرتلری اقلف
اولان کیمسه لرك ذبیحه سنی یعنی کسدیکنی وشهادتی جائز
کورمن ایدی ختان سنت هدی جله سندن اولغله مجهول
الاحوال ظهور ایدن میتک سنتلی بولنسیله اسلامیتنه حکم
اولنه رق مسلم معامله سی اجرا اولنور نتکم بالاده بیان
اولنمشدر. وهرقنی کون مراد اولنور ایسه ختان اجرا
اولنور لکن بازار کونی ختان مکروه اولدیغی نفیسه
اخرویه نام کتاب صحت نصابده مسطوردر. با امر جلیل
الهی ابتدا اختان ایله مأمور وسنت قلان حضرت
ابراهیم علیه السلام اولدیغنه اکثر علما اتفاق ایلمشدر.
لکن وقتنده اختلاف اولنمشدر. حدیث شریفده «اِحْتَنَ

اِبْرَاهِيمُ بِالْقَدَمِ» [۱] یعنی ابراهیم علیه السلام قدوم

[۱] قدوم صبور وزنده دولکرلرك کسر تعبیر ایتدکاری
آلته دینور وشام ویاخود حلب دیارنده برموضع اسمیدردالك
تشدیدله دخی اوقومق جائزدر.

نام موضعه و یا خود قدوم تعبیر اولنان کسر آلتی واسطه
سیله کندوسنی ختان ایتدی دیمکدر . ابوهریره رضی الله
عنه دن موثوقاً روایت اولنان « اِحْتَتَنَ اِبْرَاهِمُ وَ هُوَ
ابْنُ مِائَةٍ وَعِشْرِينَ سَنَةً وَ عَاشَ بَعْدَ ذَلِكَ ثَمَانِينَ سَنَةً »
حدیث شریفنک معنای لطیفی ابراهیم علیه السلام یوز یکر می
یاشنده کندی کندویی سنت ایلدی اندن صکره سکسان
ییل لابس لباس حیاة اولدی دیمکدر . و صحیح البخاریده
روایت اولنان « اِحْتَتَنَ اِبْرَاهِمُ وَ هُوَ ابْنُ ثَمَانِينَ
سَنَةً وَ اَخْتَتَنَ بِالْقُدُومِ » حدیث شریفنک معنای
منیفی ابراهیم علیه السلام سکسان یاشنده اختتان ایتدی
و قدوم تعبیر اولنان کسر ایله سنت ایلدی دیمکدر . بویکی
حدیث پیننده ظاهراً منافات وارددر . شویله که اختتان
تاریخلری بربربنه مغایردر . لکن بعض شراح حدیث یوز
یکرمی سنه میلاد سعادت لرندن و سکسان سنه نبوتلری
وقتندن معتبردر دیو ایکی تاریخ توافق ایتمشدر . زیرا ذات
شریفلرینه نبوت قرق یاشنده کلمش و مجموع عمر سعادتلری

ایکی یوز سنه اولمش اولمغله تأویل مذکور قرین صواب
 و بوجله حدیثین بیننده منافات اشکالنه جواب اولمشدر.
 بعض علما حضرت ابراهیمدن ماعدا جمیع پیغمبران عظام
 عورت محللرینه بر کیمسه نك نظری تعلق ایتمکدن ناشی
 حرمة و کرامت خلقت جهتیله سنتلی و کوبکی کسبیلش
 اولدقلری حالده قدم نهاده کازه رسالت و کهواره نبوت
 بیوردیلر دیمش. اشته شوکرامتک بقاسنه مبنی حضرت
 ابراهیم علیه السلام بالذات کندی اختتانی اجرا ایتمشد.
 بعض علما مختوناً زینت انداز رسالت و نبوت بیورمش
 اولان پیغمبراوندر دیدیلر.

آدم، شیت، ادریس، نوح، لوط، اسماعیل، یوسف،
 ذکریا عیسی، سیدنا محمدالمصطفی علیه وعلیهم افضل التسلیم
 و التحایا حضرتایدر.

و بعضیلری دخی اون اوچ پیغمبر مختوناً تولدایلمشدر
 دیدیلرکه آنلرده آدم، شیت، ادریس، نوح، سام، لوط،
 یوسف، موسی، شعیب، سلیمان، یحیی، عیسی، و جناب
 رسالتپناه علیه وعلیهم حضرتایدر. و شرح مصابیحده زین
 العرب و سائر بعض فضلا اون درت پیغمبر عظیم الشان

مختوناً طوغمشدر دیدیلر که آدم، شیت، نوح، هود، صالح، لوط، شعیب، یوسف، موسی، سلیمان، ذکریا، عیسی، خنظلة بن صفوان، و رسول ذیشان علیهم صلوات الله الملك المنان حضرت ائیدر .

وامام سیوطی رحمه الله حضرت تارندن مختوناً تولد بیوران انبیاء ذیشان حضرت تیری اون یدیدر بیور مشلر . وبعض عرفا دخی منظوماً «نوح وموسی و سلیمان خنظلة وسام و صالح لوط عیسی هوددر» «شیت و یحیی و ذکریا و شعیب . یوسف ادریس آدم محموددر» دیو اون یدی پیغمبر مختوناً تولد بیور دقلربی تصریح ایلشدر . ارباب تتبع نقلری اوزره سام بن نوح علیهما السلام ایله خنظلة بن صفوانک نبوتلریله قائل اوله رق بوایکسنی بعض علماء کرام انبیاء سالفه دن عدا یتمشلر در . الحاصل مختوناً تولد بیورانلرک عددنده اختلاف واقع اولمشدر .

مختوناً تولد ایدنلرک ختانه ختان القمردنیاور . بورسالة مختصره بوراده رحین ختام و دعاء دوام شان و شوکت و اجلال حضرت ظل اللهینک تکراری موجب سعادت مالا کلام اولدی .
انتهی